



Bosnia and Herzegovina
Federation of Bosnia and Herzegovina
CANTON SARAJEVO
Ministry of Labour, Social Policy,
Displaced Persons and Refugees

Na osnovu člana 4. Zakona o izvršavanju Budžeta Kantona Sarajevo za 2024. godinu ("Službene novine Kantona Sarajevo", broj 55/23), čl. 9. i 14. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo" broj 22/21, 13/22 i 21/24), Pravilnika o postupku za dodjelu novčanih transfera humanitarnim organizacijama/neprofitnim organizacijama/ i udruženjima za finansiranje i sufinansiranje aktivnosti/programa/projekata ("Službene novine Kantona Sarajevo", broj 16/22), Odluke o usvajanju Programa utroška sredstava s kriterijima raspodjele tekućih transfera utvrđenih Budžetom Kantona Sarajevo Ministarstva za rad, socijalnu politiku, raseljena lica i izbjeglice Kantona Sarajevo za 2024. godinu ("Službene novine Kantona Sarajevo" broj 13/24) i Odluke o raspisivanju Javnog poziva za dodjelu novčanih transfera humanitarnim organizacijama/neprofitnim organizacijama/ i udruženjima koji se finansiraju i sufinansiraju od strane Ministarstva za rad, socijalnu politiku, raseljena lica i izbjeglice Kantona Sarajevo kao nosioca budžetskih sredstava, broj: 13-03/1-31-39563 od 29.08.2024. godine, ministrica za rad, socijalnu politiku, raseljena lica i izbjeglice Kantona Sarajevo raspisuje

JAVNI POZIV

za dodjelu novčanih transfera humanitarnim organizacijama/neprofitnim organizacijama/ i udruženjima za finansiranje i sufinansiranje aktivnosti/programa/projekata za 2024. godinu

I - Predmet Javnog poziva je dodjela transfera humanitarnim organizacijama/neprofitnim organizacijama/ i udruženjima u svrhu finansiranja i sufinansiranja aktivnosti/programa/projekata iz oblasti rada, socijalne politike, raseljenih lica i izbjeglica, a čije su aktivnosti/programi/projekti od interesa za građane Kantona Sarajevo (u daljem tekstu: Kanton) ili doprinose razvoju i afirmaciji Kantona i provode se na području Kantona, a u izuzetnim slučajevima koji su od interesa za građane Kantona, a provode se izvan područja Kantona.

II - Opći kriteriji za dodjelu transfera su:

- 1) Upis u odgovarajući registar i/ili osnivačkim aktom definisano područje djelovanja koje je u skladu sa prioritetima za koje se dodjeljuju sredstva;
- 2) Uredno ispunjenje obaveza po osnovu ranije dodijeljenih sredstava;
- 3) Uredno ispunjavanje obaveza poreza i doprinosa;
- 4) Da se protiv podnosioca prijave, odnosno lica ovlaštenih za zastupanje i voditelja aktivnosti/programa/projekata, ne vodi krivični postupak i nije pravosnažno osuđen za prekršaj i/ili počinjenje krivičnog djela i/ili privredni prestup;
- 5) Dodatni uslovi javnog poziva koje mogu propisati davaoci sredstava.



III - Posebni kriteriji za dodjelu transfera su:

- 1) Projekti obezbjeđivanja raznih pomagala pri zadovoljavanju svakodnevnih potreba lica s invaliditetom;
- 2) Projekti pružanja pomoći od drugog lica (stara i iznemogla lica, lica s invaliditetom i drugi kojima je ta pomoć potrebna);
- 3) Projekti za provođenje posebnih oblika rehabilitacije i resocijalizacije lica s invaliditetom i drugih osjetljivih kategorija iz nadležnosti Ministarstva za rad, socijalnu politiku, raseljena lica i izbjeglice Kantona Sarajevo;
- 4) Aktivnosti i uključivanje što većeg broja lica s invaliditetom u rad udruženja;
- 5) Projekti i aktivnosti na realizaciji stimulativnih mjera zapošljavanja lica s invaliditetom i pripadnika nacionalnih manjina;
- 6) Projekti i aktivnosti udruženja registrovanih za oblast socijalne i dječije zaštite koje su usmjerene na unapređenje zaštite porodice sa djecom, a za cilj imaju pružanje podrške porodicama čiji je jedan od članova osoba s invaliditetom, kroz psiho-socijalnu podršku i zbrinjavanje na poludnevnoj osnovi, u svrhu njihove pune integracije u lokalnu zajednicu i odrastanja u vlastitoj porodici;
- 7) Projekti i aktivnosti udruženja registrovanih za oblast socijalne i dječije zaštite namijenjene poboljšanju položaja djece samohranih roditelja, višočlanih porodica sa većim brojem djece i porodica pod rizikom od razdvajanja od djece;
- 8) Projekti zaštite i borbe protiv nasilja u porodici i nasilja na osnovu spola;
- 9) Projekti i aktivnosti udruženja koja se bave hroničnim, neizlječivim, somatskim oboljenjima – autoimune i rijetke bolesti koje ostavljaju trajni invaliditet, a oboljeli su u stanju potreba;
- 10) Projekti humanitarnih organizacija koje se bave humanitarno-socijalnom djelatnošću vezanoj za kategorije korisnika definisane Zakonom o osnovama socijalne zaštite, zaštite civilnih žrtava rata i zaštite porodice sa djecom (“Službene novine Federacije Bosne i Hercegovine”, br. 36/99, 54/04, 39/06, 14/09, 45/16, 40/18 i 16/23) i Zakonom o socijalnoj zaštiti, zaštiti civilnih žrtava rata i zaštiti porodice sa djecom (“Službene novine Kantona Sarajevo”, br. 38/14 – Prečišćeni tekst, 38/16, 44/17, 28/18, 52/21 i 40/22).

Aplikanti dostavljaju samo po 1 aktivnost/projekat/program.

IV - Dokumentacija koju je potrebno dostaviti u originalu ili ovjerenoj fotokopiji

- 1) Popunjen obrazac za aplikaciju za finansiranje i sufinansiranje aktivnosti/ projekata/programa koji se nalazi na internet stranici Ministarstva www.mrsri.ks.gov.ba, a koji sadrži: naziv aktivnosti/projekata/programa, opis problema/potreba, kratak opis aktivnosti/projekata/programa, ciljeve, ciljne grupe, plan realizacije aktivnosti/projekta /programa, osoblje i budžet;
 - 2) Osnovno Rješenje o registraciji sa svim eventualnim izmjenama i/ili dopunama koje su nastale do dana objavljivanja Javnog poziva;
 - 3) Uvjerenje iz registra udruženja izdato u vrijeme podnošenja zahtjeva;
 - 4) Uvjerenje o poreskoj registraciji - identifikacioni broj;
 - 5) Uvjerenje o izmirenim poreskim obavezama, ne starije od tri mjeseca;
 - 6) Uvjerenje o izmirenim porezima i doprinosima za zaposlenike (ukoliko ima zaposlenika)
- Udruženje koje nema uposlenih i neizmirenih obaveza može dostaviti ovjerenu izjavu kod nadležnog organa da nema uposlenih i neizmirenih obaveza kojom to potvrđuje;



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

- 7) Izjava da se protiv podnosioca prijave, odnosno lica ovlaštenih za zastupanje i voditelja aktivnosti/programa/projekta ne vodi krivični postupak i nije pravosnažno osuđen za prekršaj i/ili počinjenje krivičnog djela i/ili privredni prestup;
- 8) Bilans stanja i bilans uspjeha za 2023. godinu, ovjereni od strane nadležne poreske uprave;
- 9) Izvještaj o utrošku sredstava za aktivnosti/projekte/programe, odobrene u prethodnoj godini koja su dobili od strane Kantona Sarajevo (svih ministarstava), a ukoliko nisu dobili sredstva od Kantona Sarajevo u prethodnoj godini, dostaviti dokaz o istom (Izjava ovjerena od strane nadležnog organa).

Humanitarne organizacije/neprofitne organizacije/ i udruženja koja su registrovana u prethodnoj godini i nisu dobili sredstva za projekte, nisu dužni dostaviti dokumentaciju pod podtačkama 8) i 9) tačke IV ovog javnog poziva.

Primaoci finansijske podrške za realizaciju programa ili projekta koji nisu dostavili narativni i finansijski izvještaj o utrošku sredstava za odobreni program ili projekat za koji su imali u prethodnom periodu odobrena budžetska sredstva ili su dostavili narativni i finansijski izvještaj u kome nisu opravdali utrošak odobrenih budžetskih sredstava u cjelokupno odobrenom iznosu za program ili projekat, ne mogu biti prihvaćeni za finansiranje programa ili projekata.

V - Pravo učešća na ovom javnom pozivu nemaju neprofitne organizacije i udruženja koja se stalno finansiraju od strane Ministarstva za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo) prema Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 – Prečišćeni tekst, 38/16, 44/17, 28/18, 52/21 i 40/22).

VI - Javni poziv će biti objavljen na internet stranici Ministarstva za rad, socijalnu politiku, raseljena lica i izbjeglice Kantona Sarajevo, www.mrsri.ks.gov.ba, a Obavijest o raspisivanju Javnog poziva za dodjelu novčanih transfera humanitarnim organizacijama/neprofitnim organizacijama/ i udruženjima za finansiranje i sufinansiranje aktivnosti/programa/projekata za 2024. godinu biće objavljena u najmanje jednim dnevnim novinama visokog tiraža koje se distribuiraju na području Bosne i Hercegovine.

VII - Ministrica za rad, socijalnu politiku, raseljena lica i izbjeglice Kantona Sarajevo imenuje Komisiju za provođenje postupka dodjele transfera humanitarnim organizacijama /neprofitnim organizacijama/ i udruženjima za finansiranje i sufinansiranje aktivnosti/programa/ projekata.

Svaki član Komisije će biti isključen iz postupka dodjele sredstava ukoliko se utvrdi da je u sukobu interesa sa podnosiocem prijave.

VIII - Rok za podnošenje prijava za dodjelu sredstava po Javnom pozivu je 15 (petnaest) dana od dana posljednje objave.

IX - Prijave za dodjelu sredstava se podnose u zatvorenoj koverti na Protokol Kantona Sarajevo ili poštom na adresu: Ministarstvo za rad, socijalnu politiku, raseljena lica i izbjeglice Kantona Sarajevo, ul. Reisa Džemaludina Čauševića broj 1. Sarajevo, sa naznakom "Prijava na Javni poziv za dodjelu novčanih transfera humanitarnim organizacijama/neprofitnim organizacijama/ i udruženjima za finansiranje i sufinansiranje aktivnosti/programa/projekata za 2024. godinu – ne otvaraj".



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

3/4

X – Kontakt telefon za dodatne informacije vezane za Javni poziv su 033 562 033 i 033 562 257.

XI - Rezultati Javnog poziva objavit će se na internet stranici Ministarstva www.mrsri.ks.gov.ba, i putem Registra transfera neprofitnim organizacijama i pojedincima iz Budžeta Kantona Sarajevo.

XII - Davalac sredstava će u roku od 15 radnih dana od dana objavljivanja rezultata pismeno obavijestiti podnosiocē čije prijave nisu prihvaćene za finansiranje i sufinansiranje, uz navođenje razloga odbijanja prijave.

XIII - Neblagovremene prijave Komisija neće uzeti u razmatranje i vratiti će se neotvorene uz pismenu obavijest.

Nepotpune i neuredne prijave Komisija će odbaciti i o tome obavijestiti podnosioca prijave.

XIV - Podnosioci prijave imaju pravo na izjavljivanje prigovora, osim ako prijava nije odbijena kao nepotpuna, neblagovremena i neuredna.

Prigovor se izjavljuje ministrici za rad, socijalnu politiku, raseljena lica i izbjeglice Kantona Sarajevo u roku od 7 (sedam) dana od dana dostavljanja pismene obavijesti podnosiocu čija prijava nije prihvaćena za finansiranje i sufinansiranje. Prigovor se može podnijeti iz razloga koji se odnose na ispunjavanje kriterija iz člana 4. st. (2) i (3) Pravilnika o postupku za dodjelu novčanih transfera humanitarnim organizacijama/neprofitnim organizacijama/ i udruženjima za finansiranje i sufinansiranje aktivnosti/programa/projekata i na Kriterije iz tačke III ovog javnog poziva.

XV - Davalac sredstava obavezan je sa korisnicima sredstava potpisati Ugovor o dodjeli transfera za finansiranje i sufinansiranje aktivnosti/programa/projekata.

XVI - Doznačavanje odobrenih sredstava aplikantima vrši se nakon zaključenja Ugovora o dodjeli transfera za finansiranje i sufinansiranje aktivnosti/programa/projekata, a u skladu sa Operativnim planom i Odlukom o usvajanju Programa utroška sredstava s kriterijima raspodjele tekućih transfera utvrđenih Budžetom Kantona Sarajevo Ministarstva za rad, socijalnu politiku, raseljena lica i izbjeglice Kantona Sarajevo za 2024. godinu.

XVII - Sredstva odobrena po osnovu Javnog poziva moraju se iskoristiti za realizaciju kandidovanog projekta, pri čemu se korisnik sredstava mora pridržavati važećih propisa.

XVIII - Korisnici sredstava dužni su na propisanom Obrascu narativnog i finansijskog izvještaja dostaviti Ministarstvu izvještaj o namjenskom utrošku sredstava doznačenih iz Budžeta Kantona Sarajevo u roku od 15 dana od dana realizacije aktivnosti/programa/projekata, sa odgovarajućom dokumentacijom, a najkasnije do 31.12. tekuće budžetske godine.

Broj: 13-03/1-31-39563-1/24
Sarajevo, 29.08.2024. godine

**PO OVLAŠTENJU MINISTRICE
SEKRETARKA MINISTARSTVA**

Amira Čackić



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

4/4